

- Cuprum gaudet associari Mercurio, item cum sublimato Mercurio.
 Cuprum præservat oleum salis marini.
 Mercurius habet ad aurum Magnetismum, nam ab auro attrahitur.
 Argentum, dissolutum in aqua Regia, adhæret æri.
 Æs, in aqua regia dissolutum, adhæret ferro.
 Mercurius etiam argentum amat.
 Si multa metalla simul cum auro injiciantur in vas Hydrargyro plenum, aurum fundum petit, cæteris supernatantibus.
 Aurum coalescit cum argento, pulvere Boracis.

Antipathia Hominis cum partibus Animalium.

- L**epus marinus, vel assumptus, vel tactus, vomitum Cholerae, & sanguinis sputum, difficultatem urinæ, & ulcus pulmonum, infert.
 Cantharides non solum assumptæ, sed & applicatæ in distantissimis corporis partibus, efficiunt vesicæ, & eam exulcerant, & stranguriam inferunt, quarum etiam cinis post combustionem idem facit.
 Cati cerebrum qui comedit, vertiginem incurret, & stolidus redditur, mores, gestulationes, & vociferationes Cati præ se ferens.
 Fel Leopardi efficit vomitum materiæ viridis, Aloes odorem habentis, & Ictericus redditur assumens, & frequenter syncopizans moritur.
 Cervinæ caudæ extremitas, angustiam & dolorem stomachi, cum syncope inducit.
 Fel canis marini infert symptomata fellis Leopardi.
 Sanguis hominis irati & furiosi epotus, confundit sensus, & intellectum cum furore maximo, & inverecundiâ, & marasmo paulatim consumpti potantes moriuntur.
 Sanguis Tauri, assumptus vomitum sanguinis producit, præfocationem, spasmus, & mortem.
 Spuma & sanguis Bufonis difficultatem anhelitus, intumescenciam corporis, cordis syncopen, mortemque inducit.
 Sanguis puerperialis assumptus, lunaticum, leprosum, maleficum, & obliviosum reddit, & si conceperit mulier fluentibus mensibus, iisdem, ut plurimum, tentatur infans.
 Pisces cocti & rancidi faciunt ventris & stomachi inflammationem cum pectoris dolore, urinæ retentione, brevispirio, syncope, sudore frigido, & tandem mortem.
 Scorpionis ictus vehementem infert dolorem & incendium, oculi torquentur, corpus videtur quasi guttis quibusdam percuti, in oculis lachrymæ viscidæ, membra torquentur, horrores perpetui, & frigus etiam congelans, tumores sub axillis vel inguinibus, anus extra procedit, aliquando delirant, & loquelam amittunt, ignorantes omnia.

Taran-